

EUSKAL ENPRESA RETEVISION MOBILEKIN NEGOZIATZEN ARI DA EAEN ESCLUSIBAN LAN EGITEKO

Euskaltelek telefonia mugikorra 1999rako eskaintzea espero du

Euskaltel telekomunikazio enpresa Retevisionekin negoziatzen ari da, telefonia finkoan duten lankidetzaren antzeko akordioa telefonia mugikorrera ere eramateko. Oraingoz egitasmo zehatzik ez badu ere, 1999rako zerbitzua ematea espero du Euskaltelek.

Joseba Aiarza / Bilbo

TELEFONIA mugikorreko hiru garren lizentzia Retevision buru duen enpresa partzuergoari eman dio aste honetan Madrilgo Sustapen Ministerioak. Horrela, Retevision Movil lehian ariko da Espainiako Estatuaren Telefonica Movil eta Airtel enprekin telefonia mugikorraren merkaturuan, telefonia finkoan Retevision eta Telefonica lehian ari diren bezala.

Euskalteli dagokionez, Retevisionekin duen lankidetzaren telefonia finkorako da. Telefonica mugikorreko hirugarren lizentzia eskuratzeko Retevisioren Movil taldean parte hartzen duen arren, horrek ez du esan nahi lankidetzaren hiri automatikoki telefonia mugikorrera eramango dutenik, Retevision eta Retevision Movil enpresa ezberdinak direlako.

Gauzak horrela, Euskaltel eta Retevision Movil elkarrizketan ari dira, euskal enpresak telefonia mugikorra Euskal Autonomia Erkidegoan eksklusiboki nola emango duen zehazteko. Euskaltel hasierako negozio egitasmoak lantzen hasi den arren, azpiegiturak, inbertsioak, interkoneksioak eta gainontzeko zehazkizunak bi enpresen negoziazioen menpe daude.

Retevision Movilek urtearen bukaeran edo datorren urtearen hasieran zerbitzua eskaintzen hasteko asmoa dauka. Gauzak ondo joanez gero, Euskaltelek ere espero du ordurako bere zerbitzua abian jartzea. Horregatik, azkar ibili beharko dute, negoziazioak burutu eta azpiegiturak garatzeko.

Nolanahi ere, Euskaltelen asmoa telekomunikazio zerbitzu integralak ematea da, telefonia



Telefono finkorako akordio bat dauka Euskaltelek Retevisionekin. Orain, beste hitzarmen bat negoziatzen ari da euskal telekomunikazio kopainia Retevision Movilekin.

XOUSA SIMAL

mugikorra barne. Eta horretarako beharrezkoa du Retevision Movilekin ados jartzea, hirugarren lizentzia EAEn erabiltzeko.

Retevisioren %30 merkeago • Retevision Movil taldea France Telecom buru zuen talde lehiakideari nagusitu zaio, Espainiako telefonia mugikorrerako hirugarren lizentzia erdieste-ko lehiaketa publikoan.

Taldearen kapitalaren %40,10 Retevisioren berak dauka, eta %39,10 Stet Mobilek. Beste akziodunak txikiak dira, eta haien artean Nafarroako Aurrezki Kutxa (%3) eta Kutxa (%0,20) daude, baita Euskaltel bera ere, %0,50ekin.

Taldearen eskaintzak jasotako

konpromisoen artean, zerbitzuak beste bi lehiakideek (Telefonica Movil eta Airtel) baino %30 merkeago emateko azpimarra daiteke.

Hasiera batean Estatuako biz-

tanleen %19ri emango lieke zerbitzua, hiri nagusietan hain zuzen ere; baina bi urtetan, 2000. urterako, Estatuako herri-tarren %95engana iristeko asmoa dauka Retevision Movilek.

laburrean

■ **Nafarroako Administrazioan ordu estra kopuruak %36 egin du gora**

URTARRILETIK apirilera arte, Nafarroako Administrazioan egindako ordu estra kopuruak %36 egin du gora, iazko epe bereko emaitzekin alderatuta, CCOO-k salatu duenez. Sindikatu horrek egindako neurketan ez dira Osasunbidea eta Hezkuntza Saileko ordu estrak zenbatu. Aparteko lan ordu gehienak Herrilan, Barne eta Lehendakaritza sailetan egin dira. Zehazki 17.000 ordu estra egin dira sail horietan. Emaitza horiek ikustea «oso uste-gabe desatsegina» izan da CCOOrentzat. X

■ **Protesta Frankfurteko EBZren egoitzaren aurrean**

EUROPA osotik (Alemania, Suitza, Belgika, Holanda, Danimarka, besteak beste) heldutako ehundaka lagun bildu ziren atzo Frankfurten (Alemania) Europako Banku Zentralaren (EBZ) egoitza aurrean. Bankuak eta EBko ekonomia politikak enplegua eta ongizate gizartea arriskuan jartzen dituztela salatu zuten manifestaziora bildutakoek. «Poltsa edo bizitza» lelopean egin zuten manifestazioa, «patzuergoen, ikeragarrizko langabeziaren eta gizarte zerbitzuen murrizketen» aurka egin zuten protesta. Antolatzaileen arabera, 800 lagunek hartu zuten parte manifestazioan. X

Retevision Movil, kalitate handiko zerbitzua

Aste honetan bertan telefonia mugikorrerako hirugarren konpainia abiatzeko baimena eskuratu duen taldea, Retevision Movil, ez da edonolako enpresa partzuergoa. Retevision Movilen proiektuak 1998-2008 urteetarako 597.200 milioi pezetako inbertsioak aurreikusten ditu, gehienak azpiegiturak eraikitzeke, eta baita 37.957 lanpostu ere datozen hamar urteetan. Lanpostu gehienak zeharkakoak izango dira ordea.

Retevision Movilek DCS-1800

biliko du telefono mugikor zerbitzua emateko. Sistema horrek lehiakideek —Espainiako, Telefonica eta Airtel— s erabiltzen dituztenek baino kalitate hobea ematen omen dio ahotsaren transmisioari, batez ere eraikinetan eta lur azpiko lekuetan, eta gainera zerbitzu berriak eskaintzen ditu.

Taldeak lehenengo hamar urteetan merkatuaren %20 lortzea espero du, eta gisa horretan inbertitutako dirua berreskuratzea aurreikusten du, urtean 350.000 milioi pezeta inguru fak-

"Industri enpresen gaineke eragina"



Europako Batzordearen I+Gko Programa Markoa

> AURKEZPEN EGUNA

Uztailak 3
Zamudioko Parke Teknologikoa (Bizkaia)

> NORENTZAT

• EAEko industri enpresetako Gerenteak eta Zuzendari Nagusiak
• Enpresetako, Zentro Teknologikoetako eta Unibertsitateetako Sail Teknikoen arduraduna

> HELBURUA

Europako Batzordearen I + Gko V. Programa Markoak eskaintzen dituen aukera berriak aurkezteak, eta aztertzea gure inguruko industrian izango duen eragina.

> INFORMAZIOA ETA ESKAERAK

SPRI / IRC - Gran Vía, 35 - 3. pisua.
48009 Bilbo • Marisa Gonzalez and.
Tel. 94 479 70 30/34/00
Fax. 94 479 70 22



SOCIEDAD PARA LA PROMOCION Y RECONVERSION INDUSTRIAL, S.A.
INDUSTRIAREN SUZTAPEN ETA ERALDAKETARAKO BALITZUA, I.G.

